

lašnica, Igman, Treskavica, pa dalje Jahorina i Romanija. U okolini Sarajeva, a osobito u spomenutim planinama, veoma je razvijeno planinarstvo. Putovi su u tim gorama označeni i snabdjeveni putokazima, a u svakoj ima po jedna planinarska kuća, osim drugih skloništa, kao što su: lovačke kuće, seljačke kolibe i dr.

Osim Aleksandrova doma na Trebeviću Društvo planinara u B. i H. ima još ove planinarske kuće:

Vukelina voda na Jahorini, 1704 m
Trnovo pod Treskavicom, 884 m
Jablan Dô na Treskavici pl., 1590 m
Stirni Dô pod Bjelašnicom pl., 1567 m
Hrasnički stan na Igman pl., 1311 m
Bitovnja na Bitovnji pl., 1662 m
Borke kod Boračkoga jezera, 720 m
Pogorelica pod Zec pl., 1222 m.

U području sekcije Usora dvije kuće:

Jezera pod Vučjom gorom,
Obratković u Očauš pl.

U području sekcije Travnik jednu kuću:

Vlašić na Vlašić pl. i

U području sekcije Tuzla jednu kuću:

Svatovac.

Ostale planinarske kuće drugih društava nalaze se: na Ravnima (Trebević) Dom Kralja Petra i na Jahorini pl. Dom Prestolonasljednika Petra. Planinarska kuća na Skakavcu, 4 s. hoda od Sarajeva, plan. kuća na Boračkom jezeru i kuća na Crepoljskom u Gornjim Močiocima (3 s. od Sarajeva), vlasništvo su ostalih triju planinarskih društava u Sarajevu.

Društvo planinara u B. i H. broji preko 1500 članova, a tokom desetgodišnjega rada utrošilo je oko milijun dinara u same investicije za podizanje planinarstva u ovim pokrajinama.

U okolini Sarajeva, osobito u nekoliko posljednjih godina, veoma je razvijen zimski sport. Svako planinarsko društvo ima svoju zimsko-sportsku sekciju, koja je član Zimsko-sportskog potsaveza u Sarajevu, a preko njega član Zimsko-sportskog saveza u Ljubljani. Svake se godine redovito priređuju skijaške i sanjkaške, potsavezne i međudruštvene utakmice. Okolica Sarajeva obiluje divnim skijaškim terenima, a cesta koja vodi na Trebević odlično je sanjkalište, dugo oko 6 km (od polovice puta). Osobito dobrih skijaških terena ima na Bjelašnici, Jahorini, Bitovnji, Pogorelici (pod Zec pl.), Vlašiću i dr. planinama. Društvo je do sada obilježilo oko 1500 km turističkih putova: učinilo pristupačnim mnoge divne planinske krajeve u Bosni i Hercegovini, koje mogu danas slobodno polaziti i neiskusni izletnici.